


尚書通考

一



據中國國家圖書館藏元至
正刻本影印原書版框高十
九·四釐米寬十三釐米

光元至正年間印本也國初通志堂重刻
即仿此本第一卷內原缺五六兩葉故通
志堂刻本亦缺余於壬申之春得諸書
肆中數百率舊本可寶也

約魚沈祥龍識

古者帝王垂衣而化未嘗不致意
於宜民之事切治厯象察珠衡
同外度禮樂刑政之必修風土貢
賦之必定讀其書於千百載之下
者不先攷乎此其何以識帝王之
治哉昭武存齋黃氏所著尚書
通考於帝王傳授則究其心法
於諸儒授受則究其家法曆象
則攷其辰次中星潤餘歲差者
焉珠衡則攷其北極出入七政福
行者爲律度則攷其象尺作氣圓
生後夏者爲類禋服器巡守就宅
則於禮樂刑政有所攷矣賦繪丘
甸夫井田則於風土貢賦有所攷

矣若範疇名主表若廟制若爵土
之類莫不著之以圖辨之以說上推
四代下及漢晉唐宋因革異同如指
之掌使孔蔡漢生不易其言心中
經世之書每詳於制度而治平之學
必先於格知黃氏之書豈非治平
之要歟昔人謂書以道政事蓋政事
於心而見之行事者也考其事而
得其心者有之矣未有不攷其事
而能得其心者君子於此觸類而長
之使衆物之表裏精麤無不列在
心之全體大用無不明而帝王精一
執中之旨在此矣嘗至正丁亥冬
十月達安雷 子樞父序

帝三王之政政者心與事之所形也

是故道

德仁聖統乎心制作名物達於事內外之道合而帝

事者儀章器物因革無存故求帝王之心易而考帝

王之事難矧後儒稽古不過以周爲據而秦人滅梁

周典亦多殘缺廼欲以不完之文以徵古之舊斯

益難矣然昔者紫陽夫子之教必語學者以有業次

如所謂堯舜典曆象日月星辰律度量衡五禮五樂

禹貢山川洪範九疇之類須一一理會令透蓋讀書

窮理即器會道乃學者之當務也余方授兒輩以書

間或有問不容立答則取關涉考究者會萃抄撮或

不可言曉者規畫爲圖以示之至衆家之說有所不

通則間述臆見以附于下如舊圖舊說已備者不復

贅出其有未盡則隨條辨析焉歲月積累寔成卷帙

兒輩乃請次其顛末以便考尋名曰尚書通考竊謂

學有本末道無精粗禮樂官名聖人諸問則讀是經

者安得不求其故哉方將就正於博洽君子然後退

授于家俾爲格致之助亦庶乎紫陽夫子之教云耳

時天曆三年歲名上章敦牂月旅太簇日得壬子後

學昭武黃鎮成謹識

尚書通考目錄

卷之一

諸儒家法傳授之圖

百篇書目

伏生今文尚書

孔氏古文尚書

尚書名義

壁藏異記

許氏書紀年圖

虞書

帝王傳授心法圖

若稽古

堯典大學宗祖圖

九族

羲和世掌圖

曆象日月星辰

朱子日月順天左流圖

日月麗天之圖

經星列宿名數圖

緯星圖

十二次舍圖

周天十二次日月所會圖

東坡辰次分野圖

四仲圖

中星運候

中星圖

月令中星圖

卷之二

歲差法

朞三百有六旬有六日以閏月定四時成歲

史記曆書大小餘解

古今曆法

卷之三

在璿璣玉衡以齊七政

璿璣渾儀圖

歷代渾儀

肆類于上帝

禋于六宗

輯五瑞

巡守

律

夜建交野圖

班志隔八相生圖

律管應月候氣圖

律管長短忽微圖

十二律還相為宮

變宮變徵

京房六十律法

律法相生損益之六

卷之四

蔡西山黃鐘生十一律解

十二律管相生圖

變律

律生五聲

變聲

歷代樂名

度

周尺圖說

量

衡

卷之五

五禮

五玉三帛二生一死贄

書考月

如五器

五載巡守

封山濬川

五刑圖

四罪

二十有八戰帝乃殂落

咨二十二人

世系

五品

五教

五刑有服

五流有宅

庭讓臣名

聲依永律和聲

八音

徵庸在位陟方

六府三事圖

帝王道統傳授圖

干羽

四載

九川距海畎澮距川

百畝為夫圖

九夫為井圖

四丘為甸圖

同內才清圖

觀製作服

侯以明之

卷之六

弼成五服

九成樂器

通志八音

朱子琴律圖說

卷之七

禹敷土隨山刊木

九州水土圖

九州山川貢賦圖

卷之八

通志地理畧

禹貢五服圖

卷之九

七世之廟

儀禮寢廟辨名圖

諸侯五廟圖

諸儒廟制圖

劉歆廟制圖

生明生魄望臚

生明圖

生魄圖

卷之十

九疇之綱

九疇之目

日月冬夏

召誥土中

祖暉圭表圖

祖暉五表圖

洛誥太室

列爵分土

田制賦乘圖

無逸圖

周官圖

六年五服一朝

周禮六服朝貢圖

顧命圖

尚書通考目錄

尚書通考卷之一

昭武存齋黃鎮成 元鎮成 編

今文尚書

秦時博

士名勝

濟南人

伏生

發壁藏

書得二

十九篇

張生

千乘人

歐陽生

字和伯

夏侯都尉

族子始昌

族子勝

已上為大夏侯之學

從子建

為小夏侯之學

兒寬

千乘人

生之

以上謂之

歐陽高

曾孫

歐陽之學

今文尚書

三四士皆寫以漢世文字為

晁錯

太常掌故詔 住受伏生者

劉向

歆

著五行傳是伏生本法

永嘉之亂 二學並亡

古文尚書

定孔壁

所出可

知者二

十五篇

又復出

伏生所

合者五

篇并序

一篇合

伏生二

十八篇

為五十

九篇後

承詔作

傳以巫

都尉朝

膠東庸生

謂古文

杜林

扶風人

賈逵

訓作

姚方興

得於武

晉鄭冲

以古

蘇愉

梁柳

臧曹

皇甫謐

梅賾

東晉豫章內史得孔傳古文

文奏上其書

武於大

於大

於大

於大

於大

於大

於大

於大

於大



孔安國

其書於都尉朝

都尉朝

膠東庸生

謂古文

杜林

賈逵

姚方興

得於武

晉鄭冲

蘇愉

梁柳

臧曹

梅賾

東晉豫章內史得孔傳古文

文奏上其書

馬融

傳作

於大

孔壁書出安國以隸書存古文故謂之古文尚書蓋古文者科斗之書也

隋開皇三年求遺書得舜典五十八篇方備唐天寶二載詔衛衡改古文從今文

百篇書目

伏生今文尚書凡二十八篇

堯典

皋陶謨

禹貢

甘誓

湯誓

盤庚

高宗彤日

西伯戡黎

微子

牧誓

洪範

金縢

大誥

康誥

酒誥

梓材

召誥

洛誥

多方

多士

立政

無逸

君奭

顧命

呂刑

文侯之命

費誓

秦誓

右伏生所授者漢武時又入偽秦誓一篇為二十九篇

安國古文尚書增多伏生二十五篇

大禹謨

五子之歌

胤征

仲虺之誥

湯誥

伊訓

六甲二篇

咸有一德

說命二篇

秦誓二篇

武成

旅獒

微子之命

蔡仲之命

周官

君陳

畢命

君牙

冏命

安國復出尚書凡五篇

舜典今文合

堯典今文合

益稷今文合

皋陶謨

盤庚二篇今文合

康王之誥今文合

顧命今文合

右今古文通五十八篇又百篇之序一篇即今所行五十八篇而以序冠篇首者也

逸書

汨作

九共九篇

棗飮

帝告

釐沃

湯征

汝鳩

汝方

夏社

疑至

臣扈

典寶

明居

肆命

祖后

沃丁

咸乂四篇

伊陟

原命

仲丁

河亶甲

祖乙

高宗之訓

分器

旅巢命

嘉禾 成王政 將蒲姑

賄蕭慎之命 毫姑

右四十二篇書亡即書序謂其餘錯亂磨滅非可復知者也
通前今古文合百篇之數

漢張霸偽書凡二十四篇

舜典 汨作 九共九篇 大禹謨 益稷

五子之歌 胤征 湯誥 咸有一德 典寶

伊訓 肆命 原命 武成 旅獒

冏命

張霸復出伏生書五篇

舜典 益稷 盤庚二篇 康王之誥 泰誓

右前漢諸儒不見孔傳張霸偽作二十四篇附伏生二十八

書考一卷

篇又復出五篇并泰誓一篇求合孔氏五十八篇四十二卷

之數

伏生今文尚書

史記儒林傳孝文帝時欲求能治尚書者天下無有乃聞伏生能治欲召之是時伏生年九十餘老不能行於是乃詔太常博士堂故晁錯往受之秦時焚書伏生壁藏之其後兵大起流亡漢定伏生求其書亡數十篇獨得二十九篇即以教于齊魯之間學者由是能言尚書諸山東大師無不涉尚書以教矣伏生教濟南張生及歐陽生漢書曰字和伯子乘人歐陽教千乘兒寬兒寬既通尚書以文學應郡舉詣博士受業受業孔安國兒寬貧無資用常為弟子都養及時時問行傭賃以給衣食行常帶經止息則誦習之以試第次補廷尉是時張湯方鄉學以為奏讞掾以

古法議決疑大獄而愛幸實寬為人溫良有廉智自持而善著書書奏敏於文口不能發明也湯以為長者數稱譽之及湯為御史大夫以兒為掾薦之天下後位至御史大夫張生亦為博士而伏生孫以治尚書徵莫不此明也自此之後魯周霸孔安國雒陽賈嘉頗能言尚書事孔氏有古文尚書而安國以今文讀之因以起其家逸書得十餘篇蓋尚書滋多於是矣如謂起發孔安國曰漢宗龍興開設學校旁求儒雅以闡大猷濟南伏生年過九十失其本經口以傳授裁二十餘篇以其上古之書言之尚書百篇之義世莫得聞

陸氏曰二十餘篇即馬鄭所註二十九篇是也孔穎達曰秦誓本非伏生所傳武帝之世始出而得行史因以入於伏生所傳之內蔡氏曰伏生之但有堯典臯陶謨禹貢甘誓湯誓盤庚高

尚書考一卷

四至六

宗彤曰西伯戡紂微子牧誓洪範金縢大誥康誥酒誥梓材召誥洛誥多方多士立政無逸君奭顧命呂刑文侯之命費誓秦誓凡二十八篇今加秦誓一篇故為二十九篇

顏師古曰衛宏定古文尚書序伏生老不能正言言不可曉使其女傳錯齊人語多與穎川異錯所不知凡十二三畧以其心屬讀而已伏生齊人昆

史謂伏生壁藏而安國云失其本經口以傳授者蓋伏生初實壁內得之傳教既久誦文則熟至錯往受不執經而口授之耳

正義

朱子曰伏生不出其女口授有齊音不可曉以意屬成及子嬰子引享多儀却與大誥無差只疑伏生偏記難者而反不記其易者然盤誥贅牙自是書之本體典謨貢範同出於生而明白坦

亮如彼則書之所以艱深者非齊音使然而世之所以疑生者皆非其實也

文帝求治尚書伏生老不能行使晁錯往受之其後有歐陽生大小夏侯勝建之徒皆學伏生書寫以漢世文字號今文尚書

孔安國古文尚書

孔安國曰魯共王壞孔子宅得壁中所藏古文虞夏商周之書科斗書廢已久時人無能知者以所聞伏生之書考論文義定其可知者爲隸古定增多伏生二十五篇復出伏生所合之篇并序凡五十九篇四十六卷

蔡氏曰二十五篇者謂大禹謨五子之歌胤征仲虺之誥湯誥伊訓太甲三篇咸有一德說命三篇泰誓三篇武成旅獒微子之命蔡仲之命周官君陳畢命君牙冏命凡二十五篇復出者

舜典益稷盤庚三篇康王之誥凡五篇又百篇之序自爲一篇通伏生二十八篇共五十九篇即今所行五十八篇而以序冠篇首者也

四十六卷者孔疏以爲同序者同卷異序者異卷太甲盤庚說命泰誓皆三篇共序凡四卷大禹臯陶謨益稷康誥酒誥梓材亦各三篇共序凡二卷外四十篇篇各有序凡四十卷又錯亂摩滅不可復知者凡四十二篇今亡

林少穎曰孔傳旣成遭巫蠱不出漢儒聞孔氏之書有五十八篇遂以張霸之徒造僞書二十四篇爲古文尚書兩漢儒者所傳大抵皆霸僞本也故杜預註左氏韋昭註國語趙岐註孟子皆指爲逸書其實未嘗逸也劉歆當西漢之末欲立古文學官移書責諸博士甚力然歆之見皆僞本亦非真古文書也以至

賈馬鄭服之輩亦皆不見古文書至晉而後其書漸出及開皇三年求遺書得舜典然後於書始大備蔡氏曰古文尚書八字伏生以舜典合於堯典只以真徽五典以下則固具於伏生之書至齊姚方興得古文舜典於一篇頭始知有此二論也孔氏書字或者由此乃謂古文舜典於一篇皆盡亡失蓋過論也始出皆用隸書至唐天寶三載詔衛宏改古文從今文書今之所傳乃唐天寶所定本也此古文指隸書非科斗古文也孔壁之書安國定其可知者其文以隸書存古文故謂之古文尚書

隋經籍志書之所興蓋與文字俱起孔子觀書周室得四代之典刪其善者自虞至周為百篇遭秦滅學至漢唯濟南伏生口授二十八篇又河內女子得秦誓一篇獻之伏生作尚書傳以授同郡張生張生授千乘歐陽生歐陽生授同郡兒寬寬授歐

陽生子卅卅傳之至曾孫歐陽高謂之尚書歐陽之學又有夏侯都尉受業於張生以授族子始昌始昌傳族子勝為大夏侯之學勝傳從子建別為小夏侯之學故有歐陽大小夏侯三家並立訖漢東京相傳不絕而歐陽最盛初漢得孔子末孫惠所藏之書字皆古文其秦誓與河內女所獻者不同安國合伏生書成五十八篇又為作傳巫蠱事起不得奏上私傳其書於都尉朝朝授膠東庸生謂之尚書古文之學而未得立後漢扶風杜林傳古文尚書同郡賈逵為之作訓馬融作傳鄭玄亦為之註然其所傳惟二十九篇又雜以今文非孔舊本自餘絕無師說晉世秘府所存有古文尚書經文今無有傳者及永嘉之亂歐陽大小夏侯尚書並亡濟南伏生之傳惟劉向父子所著五行傳是其本法而又多乖戾至東晉豫章內史梅賾始得安國

之傳奏之而又闕辨典一篇按辨典伏生書已合

隋開皇初購求遺書有人言齊建武中吳姚方興於大桁市城

大得孔氏傳古文比馬鄭所注多二十八字於是始列國學

漢陳所講有孔鄭一家齊代惟傳鄭義至隋孔鄭並行而鄭氏

其微自餘所存無復師說又有尚書逸篇出於齊梁之間考其

篇目似孔氏壁中書之殘缺者故附尚書之末

吳才老曰增多之書皆文從字順非若伏生之書詰屈贅牙夫

四代之書作者不一乃至二人之手而定為一體其亦難言矣

朱子曰按漢儒以伏生之書為今文而謂安國之書為古文以

今文考之則今文多艱澁而古文反平易或自以為今文自伏

生女子口授晁錯時失之則先秦古書所引之文皆已如此恐

其未必然也或者以為記錄之實語難工而潤色之雅辭易好

書考一卷

七

故訓誥誓命有難易之不同此為近之然伏生倍文暗誦乃偏

符其所難而安國考定於科斗古書錯亂摩滅之餘反專得其

所易此又不可曉者至於諸序之文或頗與經不合而安國之

序又絕不類西京文字亦皆可疑獨諸序之本不先經則賴安

國之序而可見

臨川吳氏曰漢藝文志尚書經二十九篇古經十六卷二十九

篇者即伏生今文書二十八篇及武帝時增偽秦誓一篇也古

經十六卷即張霸偽古文書二十四篇也漢儒所治不過伏生

書及偽秦誓耳張霸古文雖在而辭義蕪鄙不足取重於世以

售其欺及梅賾二十五篇之書出則凡傳記所引書語註家指

為逸書者收拾無遺既有證驗而其言率依於理比張霸偽書

遠絕矣唐初諸儒從而為之疏義自是漢世夏侯歐陽所傳二

十九篇者廢不復行惟比孔傳五十八篇孤行于世編年讀之
伏氏書雖難盡通然辭義古奧其為上古之書無疑梅賾所增
二十五篇體制如出一手采集補綴雖無一字無所本而平緩
卑弱殊不類先漢以前之文夫千年古書最後乃出而字畫略
無脫誤文勢畧無齟齬不亦大可疑乎夫吳氏朱子之所疑者
顧澄何敢質斯疑而斷斷然不敢信此二十五篇之為古書則
是非之心不可得而昧也故今以此二十五篇自為卷表以別
於伏氏之書而因及其所可疑非澄之私言也聞之先儒云何

尚書名義

孔安國曰以其上古之書謂之尚書王肅曰上所言之為史所
書曰尚書也孔穎達曰言愜羣心書而示法既書有法因號曰
書後人見其久遠自於上世尚者上也言此上代以來之書故

書考一卷

八

曰尚書又曰孔氏繼在伏生之下先云以其則知尚字乃伏生
所加也自伏生言之則於漢世仰遵前代自周以上皆是上書
是本名尚是伏生所加故諸引直云書曰若有配代而言則曰
夏書無言尚書者

夏氏曰此上代之書為後世所慕尚故曰尚書

壁藏異記

家語云孔騰字子襄畏秦法峻急藏尚書等於孔子舊堂壁中

漢記尹敏傳云孔鮒所藏

按孔子七世孫子順為魏相生鮒及騰鮒為陳涉博士騰為
惠帝博士長沙太守至四世孫安國為武帝博士臨淮太守
新安陳氏曰鮒騰兄弟藏書必同謀謂鮒藏亦可騰藏亦可也
隋經籍志以為孔子末孫惠所藏之書宜以騰為惠帝博士

愚按孔子定書為百篇遭秦滅學孔氏藏之時中而伏生亦藏於壁漢興伏生先發所藏亡數十篇獨得二十八篇教于齊魯之間漢文帝使晁錯往受時傳習既久誦文已熟而伏生老不能正言使女子口授之至孝武帝得偽秦誓一篇於民間因合為二十九篇而歐陽大小夏侯之徒皆學之寫以漢世文字故謂之今文尚書及孔壁復出安國定其可知者多二十五篇本皆科斗文字而安國易以隸書故謂之古文尚書又復出伏生所合之篇五篇并百篇之序一篇凡三十一篇合伏生二十八篇為五十九篇四十六卷其餘錯亂摩滅不可復知悉送公室官藏之秘府又承詔為五十九篇作傳以巫蠱事起藏之私家前漢諸儒知有五十八篇而不見孔傳遂有張霸偽作舜典及汨作等二十四篇及伏生二十

八篇又分出盤庚二篇康王之誥秦誓二篇共六篇為五十八篇以附孔傳之數其賈逵作訓馬融作傳鄭玄註解皆非真古文故杜預註左傳韋昭註國語趙岐註孟子所引真古文書皆以為逸書至東晉豫章內史梅賾始傳孔傳古文於臧曹遂奏上其書於是偽書及偽秦誓皆廢但闕舜典一篇然舜典本合於伏生之堯典固未嘗闕特少篇首二十八字至齊姚方興始得舜典於大航頭比馬鄭所註多二十八字馬鄭所註蓋伏生堯典非為舜典也至隋開皇三年求遺書得舜典然後五十八篇方備然孔傳始出皆用隸書至唐天寶二載詔衛衡改古文從今文今之所傳者乃唐天寶所定本也夫經籍漸衰火殘缺書為最甚其初伏氏所教者裁十之三晁錯所受者止以其意屬讀則今文之傳固有不備厥後孔氏發壁中之

藏以不知科斗書而以伏生之書考論文義增多伏生之半
則古文之傳又不能盡又况張霸偽妄漢魏諸儒已不識古
文永嘉喪亂今文之學又絕尚書一經至是幾於息矣寥寥
數百載間乃至東晉而後孔氏之書始出其間混假真偽所
不暇論至於更歷傳受積詢踵繆斷章錯簡周田豕亥諱匿
一端且伏氏既有壁藏不以書授錯而以女子口授孔壁書
既傳都尉朝馬鄭諸儒宜無不知乃俾偽書肆行欺罔是皆
不能無疑者矣嗚呼書之不幸一失於壁中之摩滅再失於
口傳之女子三失於巫蠱之淪廢百篇之義既莫覩其大全
幸存而可考者其喪失又如此世之學者乃欲強通其所不
通斯亦難矣善乎朱夫子之言曰解其所可曉者而闕其所
可疑者則誠讀書不易之良法也

書考一卷

許氏紀年圖許益之讀

帝堯百載

堯典前初年事禹貢前初年事禹貢前初年事禹貢前初年事

帝舜五十載

舜典前初年事大禹謨前初年事益稷前初年事

皋陶謨前初年事益稷前初年事

右唐虞一百五卦聖書八篇

夏禹八歲又居喪二載

啓九歲

甘誓三歲

太康二十九歲

五子之歌十九歲

仲康十三歲

胤征元歲

相二十八歲之少康六十一歲 杼十七歲 槐二十六

歲 芒十八歲 泄十六歲 不降五十九歲 高二十一

歲 厘二十一歲 孔甲二十一歲 皋十一歲 發十九

歲 癸五十二歲

右夏十七君四百三十九歲書二篇

商湯十三祀即諸侯位十八歲

湯誓元祀 仲虺之誥 湯誥

太甲二十三祀

伊訓元祀 太甲上 太甲中三祀

太甲下 咸有一德

書考一卷

沃丁二十九祀 大庚二十五祀 小甲十七祀 雍已十

二祀 大戊七十五祀 仲丁十三祀 外壬十五祀 河

亶甲九祀 祖乙十九祀 祖辛十六祀 沃甲二十五祀

祖丁三十二祀 南庚二十五祀 陽甲七祀

盤庚二十八祀

盤庚上元祀 盤庚中 盤庚下

小辛二十一祀 小乙二十八祀

武丁五十九祀

說命上三祀 說命中 說命下

祖庚七祀

高宗彤日三祀

祖甲二十三祀 康辛六祀 庚丁二十一祀 武乙四祀

大丁三祀 帝乙三十七祀

紂辛三十二祀

西伯戡黎三十一祀 微子三十一祀

右商二十八君六百四十四祀書十七篇

周武王七年即諸侯位十二年而伐紂共十九年

泰誓 十三年一月 泰誓中 泰誓下

牧誓 二月 康誥 蔡氏謂此武王封康叔之書與酒誥

周書二月中申仲仲康叔而以前衛封康叔同監殷 酒誥

梓材 金先生附成王紀為作洛事 武成 四月

洪範 旅獒 十四年 金縢

成王三十七年

君奭 元年 大誥 二年 費誓

書考一卷

微子之命 立政 四年 多方 五年

馬官 六年 召誥 七年 多士

洛誥 蔡仲之命 八年 無逸 十一年

君陳 顧命 三十七年

康王二十六年

康王之誥 初即位畢命十二年

昭王五十一年

穆王五十五年

君子 二年 罔命 呂刑 五十年

共王十二年 懿王二十五年 孝王十五年 夷王十六年

厲王五十一年 宣王四十六年 幽王十一年

平王五十一年

文侯之命 元年

桓王二十三年 莊王十五年 僖王五年 惠王二十五年 襄王二十三年

秦誓 二十八年

右周歷十八君自武王滅商之年至襄王二十八年

共四百九十九年書三十二篇 並依蔡氏說譜入王紀其下注年者皆金

生 自堯至襄王六十五君堯元年至襄二十八

年歷年一千七百三十四而惟十八君之世有書以

亡書考之亦惟沃丁大戊仲丁河亶甲祖乙丑君之

世有書十篇耳自此二十三君之外其餘豈無出號

令紀政事之言蓋皆孔子所芟夷者緯書謂孔子求

帝魁之書迄于秦穆凡三千二百四十篇雖其言未

書考一

二十三

必實然有書者不止二十三君則明矣

虞書

孔穎達曰堯與雖曰唐事本以虞史所錄不言舜登庸由堯故追堯作典非唐史所錄故謂之虞書鄭玄云舜之美事在於堯時是也

堯禪舜然後有堯之書舜禪禹然後有舜之書其書皆出後世

故堯典則曰虞書舜典而下當出夏時乃曰虞書非史氏之舊

也孔子序正之也故大禹謨益稷皋陶見於左傳者皆曰夏書

此史氏之舊也然孔子不立堯典曰唐書者堯舜二帝常相終

始堯典載舜有鰥在下之言舜典載受終之事故因其舊曰虞

書一因一革聖人無容心焉順乎自然而已

楊元素曰仲尼定堯典為虞書者原聖人授受之心杜百代篡

爭之亂以成堯之遜也堯之遜舜使舜之跡著於天下使舜之
 功被於天下堯舜無二也堯之民即舜之民堯之事即舜之事
 仲尼刪書移堯典為虞書者明非一人獨能與舜天下蓋堯之
 時天下已皆為虞矣則雖堯之事即舜之事也
 蔡氏曰本虞史所作故曰虞書舜典以下夏史所作當曰夏書
 今云虞書或以為孔子所定

夏氏曰典謨皆謂之虞書者蓋三聖授受實守一道謂之虞書
 則可以該舜而不可以該禹謂之夏書則可以該舜不可以該
 堯惟曰虞書則見舜上承於堯下授於禹

愚按堯典雖言堯事而自疇咨以下實為禪舜張本况德氏
 舜典本合於堯典史紀堯舜之行專以記禪讓之初終而三
 謨等篇亦舜時事所以均謂之虞書也

書考了

帝王傳授心法之圖

堯

舜

禹

湯

欽 敬 寅

欽恤 溫恭允塞 敬敷五教 夙夜惟寅 祇載齊慄

欽哉 敬修可愿 祇承于帝

懋敬 立敬 祇肅

中宗

文王

武王

成王

嚴恭 寅畏

敬忌 懿恭 庸祇

敬典 恭肅 祇承

祇勤


愚按欽之一字為百為開卷第一義乃千萬世帝王心法源
 流自帝堯至於舜禹成湯文武其所相傳若合符節故凡曰

欽曰敬曰恭曰祇曰寅皆一意也數聖人者雖曰天縱生而
而其存心制事未始須更而不敬故曰敬者聖學之所以成
始而成終者也

若稽古

山齋熊氏曰若稽古帝堯者蘇氏云史官之為此書也曰吾順
考在昔而得其為人之大凡如此此說不然按堯舜之典禹臯
之謨皆虞書也而皆稱若稽古夫以虞之史臣謂堯為古可也
舜禹臯其時尚存亦謂之古可乎要之若稽古二字只當從先
儒順考古道之說蓋聖人雖懷天縱之資然亦嘗自用其私智
每順考古道而行之如所謂唐虞稽古建官設百者即一端可
知其他矣禹臯陶亦然故皆以若稽古稱之也

堯典大學宗祖之圖



克明俊德

明明德

新民

止至善

西山真氏曰明俊德者修身之事親九族者齊家之事所謂身
脩而家齊也九族既睦平章百姓所謂家齊而國治也百姓昭
明協和萬邦黎民於變時雍所謂國治而天下平也夫五帝之
治莫盛於堯而其本則自克明俊德始故大學以明明德為親
民之端然則堯典者其大學之宗祖歟

九族

孔傳言九族自高祖至玄孫之親

夏侯歐陽言九族謂父族四母族三妻族二

父族四

本族一 姊妹之夫家二

姑之夫家二 女子之夫家四

母族三

母之本族一 姨母之家二

母之母族二

妻族二

妻之父族一 妻之母族二

愚按孔傳言九族蔡氏從之喪服小記雖有以三為五以五為九之文然亦以上殺下殺旁殺之服而言至於高玄之服罕有身及之者書言九族既睦則是當時親被帝堯之德雖以帝堯之壽亦無身及高玄之理故林少誥亦謂如此則只是一族大抵當從夏侯歐陽之說為是況朱子亦嘗謂九族以三族言較大然亦不必泥但所親者皆在則亦未嘗專主孔說也

義少皞

重木正

顓頊

重南正

高辛

重

帝

義仲 殷仲春

義

和

世

掌金正

該 金正 水正 春秋傳云二子相代為木正

犁火正

和正仲冬

和

和仲 殷仲秋

左昭二十九年曰少昊氏有子曰重顓頊氏有子曰犁

孔穎達曰異世重黎號同人別

孔氏曰重黎之後義氏和氏世掌天地四時之官

顓頊云楚語云少昊氏之衰九黎亂德人神雜擾不可方物顓頊受之命南正重司天以屬神火正黎司地以屬民無相侵瀆

其後三苗復九黎之惡堯復育重黎之後使復典之以至于夏

商故呂刑傳云重即義也黎即和也義和雖別為氏族而出自


重黎故呂刑以重黎言之

朱子曰義和即四子或云義伯和伯共六人未必是也

朱子日月順天左旋圖

曆象日月星辰敬授人時

朱子曰曆所以紀數之書象所以測天之物日陽精月陰精星二十八宿衆星爲經金木水火土五星爲緯辰謂日月所會分周天之度爲十二次




① 一晝夜過一度至此

② 行一晝夜後至此

③ 一晝夜行不及日至此

朱子曰天無體只二十八宿便是體且如日月皆從角起天亦從角起日則一日一周依此只在角上天則一周了又過角些子日日累上去則一年便與日會又曰天行甚健故一日一夜一周而又進過一度日行速健次於天一日一夜周三百六十五度四分度之一正恰好被天進一度則日爲退一度二日

日麗天之圖



以天運日
月皆從角
一度起為
準

天進二度則日為一。積至三百六十五日四分日之一則天所進過之度恰與得本數日所退之度亦恰退盡本數遂與天會而成一年月行進一日常不及天十三度十九分度之七積二十九日九百四十分日之四百九十九遂與日會而成一月。又曰曆家只算所退之度却云日行一度月行十三度有奇此乃截法故有日月五星皆右行之說其實非右行也。橫渠云天左旋處其中者順之少遲則反右矣此說最好。

愚按曆家以日月五星皆右行由有曆以來其說皆如此矣。且如日行黃道自南而北則為春為夏自北而南則為秋為冬。出沒升降皆有自然之勢若左旋則自東而西日行一道道各不同不可以黃道名亦不可指言日在某宿其出沒之道冬則南漸進而北夏則北漸退而南為日馭者不亦煩矣。切恐未然。

東漢志曆法曰天之動也一晝一夜而運過星從天而西日
遠天而東在天成度在曆成日日月相推日銀月速當其同謂
之合朔舒先速後近一遠二謂之弦相與為衡分天之中謂之
望以速及舒光盡體伏謂之晦朔合離斗建移辰謂之月日
月之行則有冬有夏冬夏之間則有春有秋是故日行北陸謂
之冬西陸謂之春南陸謂之夏東陸謂之秋日有光道月有九
行九行出入而交生焉朔會望因鄰於所交虧薄生焉日有晦
朔星有合見月有弦望星有留翼其歸一也步術生焉

陳懼齋曰月行嘗以二十七日五十一十六分日之三百二十七
而與天會二十九日九百四十八日之四百九十九而與日會
日一年與天一會月一年與天十二會與日十二會其與天會
者無所用故古今少道之日月每三十餘會而一閏兩閏之中

謂十五十六會也

書考一

十九

愚按先君壽山翁

必壽

好曆數

之學大德間嘗客人師得訂

其說於太史氏曰晦翁因橫渠

之說以天左旋而日過一度

日亦左旋而適周天以為曆家用截法故謂日月五星皆右

行然考渾儀及黃道所經因以水造化之運乃知曆家之法

為定而二先生所見猶有遺論蓋天地之化陰陽消長皆有

一定之常而莫之為者稍不出於自然則非所以為造化矣

按漢志角天門旁天衢昴天街井南門皆黃道之所經也若

日左周則惟追天不及之度至此其餘日所周末嘗經此也

如記謂日在斗在東井之類則惟天過日不及之時在此每

日周二十八宿不得言在某在某矣又漢志言日行北陸謂

之冬西陸謂之春南陸謂之夏東陸謂之秋若每晝夜行天

一周亦何得指云其陸矣且若天左旋每日繞地一周何故而又過一度日亦左旋每日一周何故而自冬至則南極牽牛以漸而升至夏至則北極東井又以漸而降若使日自左旋與天無與則日乃浮遊無定便至於牽牛東井之極處豈不能侵軼而行過其外何故南北兩間若爲物所隔闕獨常進退纏繞於四十八度之內而無所變易哉且若是則南北升降之間其出沒之道凡百八十二有奇每日各循一道而行何其疏密之限無少差失如此哉故古人作渾儀器立黃道爲日行之準斜倚於赤道之內外日道萬古但循黃道之軌每日右行一度隨天而左轉日退一日漸降而至於天體南端之極則循其左自然而宿昇漸升而至於天體北端之極則循其右自然而復降一升一降循環無已天則因日退

一度故每日必進一度然後日出地上而爲一晝夜是爲天過一度一晝二百六十五日四分日之一日行黃道一周進至去歲所起之度天日進一度至是而亦一周是爲與天一會皆造化神巧一定之勢不煩擬議安排而自然脗合也嗚呼朱子嘗曰造化簡易易知而微妙難窮最爲的論蓋惟其簡易也止是黃道一斜若使日循赤道則無復四時之別矣惟其微妙也日一升則陽生而爲燠爲暑一降則陰生而爲涼爲寒晝夜短長翕張消息薰物生成之不已往來過續之不停是皆日行升降之候也或曰日不侵軼於南北豈不侵軼於黃道之外乎蓋左旋則日行一道本無繫着右行則惟循一軌自不差忒然時少有盈縮則有之矣或又謂朱子以日行晝夜恰足周天之度以爲二分日依赤道則可若二至則

天體漸狹而度數不滿矣此未足以破前說蓋南北之極與赤道天經晝夜皆一周特中間而疾兩端狹而遲勢自然耳變輪之有幅蓋之有弓豈外有餘而中不足哉若夫九行之交五緯之次苟求其故皆可以因是而得之矣

經星列宿名數圖

見晉志考史記天官書畧同及見鄭氏通志

二十八舍度最多者莫如東井志三十三度其次莫如南斗通

二十一六度度最少者莫如觜觿志二四度其次莫如輿鬼通

志二十五度

角二星為天關其間天門其內天庭黃道經其中七曜之所

行左角為天田主刑右角為將主兵通志角二星十一度如鼎形

亢四星天子之內庭也四星九度如彎弓

氐四星天子之宿宮四星十六度似斗側今十五度

書考一丁

二十一

房四星為明堂天子布政之宮也亦四輔也又為四表中間

為天衢為天淵黃道之所經也南間曰陽間北間曰陰間

七曜由乎天衢則天下和平亦曰天駟為天馬主車駕亦

曰天廐又主開閉為蓄藏又比小星為鈞鈴房之鈞鍵天

之管籥明而近房天下同心四星六度似房之戶所以防淫泆也今五度

心三星天王正位也中星曰明堂天子位為大辰主天下之

賞罰前星為太子後星為庶子三星六度今五度

尾九星後宮之場亦為九子色欲均明小犬相承則後宮有

叙九星十九度如鉤蒼龍尾今十八度

箕四星亦后妃之府主八風凡日月宿在箕東辟翼軫者風

起箕四星十一度形如簸箕

南斗六星天廟也丞相太宰之位主褒進賢士又主兵六星十一度

五度狀似北斗
今二十六度

牽牛六星天之關梁主犧牲事上八星十度 今八度

須女四星天少府也主布帛四星十一度如 今十一度

虛二星冢宰之臣也主北方邑居廟堂祭祀祝禱事二星九度少強

如連珠 今十一度
度四分之

危三星主天府二星十六度 今十七度

營室二星天子之官也為主功事二星十七度 今十六度

東壁二星主文章天下圖書之秘府二星九度

奎十六星天之武庫也主以兵禁暴十六星十六度腰 細頭尖形如破鞋

婁三星主苑牧犧牲供給郊祀三星十一度二 星不勻近頭

胃三星天之厨藏主倉廩五穀府也三星十五度 今十四度

昂七星天之耳也主西方又為旄頭胡星也昂畢間為天街

書考一

二十二

黃道 七星十度

畢八星主邊兵弋獵月入畢多雨八星十七度似爪 今十六度

觜觿三星為二軍之候三星一度在參 右角如鼎足形

參十星白獸之體中三星主將十星十度

東井八星天之南門黃道所經主水衡八星二二 十四度

輿鬼五星天目也主視胡察奸謀鬼四星一度方似 木櫃 今四度

柳八星天之厨宰八星十四度曲頭形 今十五度

星七星主衣裳文繡七星七度如 今六度

張六星主珍寶而又主天厨六星十七度似 今十八度

翼二十二星天之樂府主夷狄遠客二十二星十九 度 今十八度

軫四星亦主冢宰輔臣四星十七度 似張近翼

漢天文志經星常宿中外官凡百一十八名積數七百八十

二、三、皆有小國官宮物類之象。其伏見蚤晚邪正存亡虛實。皆
及五星所行合散。犯守陵歷關食彗孛飛流日月薄食。彗道
背穴抱珥垂蜺迅雷風祲怪雲變氣。此皆陰陽之精。其本在地
而上發于天者也。

史記正義曰。晉太史令陳卓摠甘石巫咸二家所著星圖。大凡
二百八十三宮。一千四百六十四星。以爲定紀。

緯星圖

木歲星太歲在四仲則歲行三宿在四孟四季則歲行二宿
孟季二八一十六四仲三四一十二而行二十八宿十二
歲而一周天也。

火熒惑常以十月入太微受制而出行列宿司無道其出入
無常也。

金太白出以寅戌入以丑未晨出東方二百四十日而一入
又出西方二百四十日而一入入三十五日而復出。

水辰星春見奎婁夏見東井秋見角亢冬見牽牛出以辰戌
入以丑未晨見候之東方夕見候之西方。

土填星常以甲辰元始建斗之歲填行一宿二十八歲而一
周天。

前漢志曰。歲星曰東方春木於人五常仁也。五事貌也。仁虧貌
失逆春令傷木氣罰見歲星。歲星所在國不可伐。可以伐人。熒
惑曰南方夏火禮也。視也。仁虧視失逆夏令傷火氣罰見熒惑。
太白曰西方秋金義也。言也。義虧言失逆秋令傷金氣罰見太
白。辰星曰北方冬水知也。聽也。知虧聽失逆冬令傷水氣罰見
辰星。填星曰中季夏土信也。思也。仁義禮知以信爲主。貌言

視聽以心為主故四星皆失填星乃爲之動

山堂考索按赤道天度也黃道日度也皆以二十八宿配焉班志二十八宿之度惟南斗東井之度多觜觿與鬼之度少蓋觜二度鬼四度斗二十六度井三十二度也唐一行赤道之度其井斗之度與漢志同惟觜觿一度與鬼三度各減於一度耳至於黃道之度則南斗二十三度東井三十度已與赤道之度不同較之班志所載黃道銅像斗減二度爲二十四度井減三度爲三十度大畧相同是知東漢已前黃道赤道之度混而爲一班志之所紀是也東漢已後始分爲二故赤道之度多黃道之度少班志一行之所紀是也黃道度少赤道度多天行與日月不同也黃赤道度數多寡者天行與日道相去二十八宿遠近不同故也一行日度議曰古曆日有常度天周爲歲故混其度

書考一

二十四

於氣節一氣十五度二十四氣則三百六十度餘五度四分一度分爲三十二播於二十四氣一氣得十五度七分虛喜乃以天爲天以歲爲歲立差以追其變焉觀此則知班志所載藉以天周爲歲東漢以來始有黃赤道之異

堯冬至日在虛一度

月令冬至日在斗

漢文帝三年冬至日在斗二十二度

武帝太初曆冬至日在建星在斗牛之間

東漢四分曆冬至日在斗二十一度

唐大衍曆冬至日在斗十度

開元曆名

宋統元曆冬至日在斗二度

統元見傳儀畧說
統元宋高宗曆名

今授時曆冬至日在箕八度

十二次舍圖

東漢郡國志註引帝王世紀黃帝受命始作舟車以濟不通乃推分星次以定律度

自斗十一度至婺女七度一名曰星紀之次於辰在丑謂之赤奮若於律為黃鍾斗建在子今三越分野凡三十一度

自婺女八度至危十六度曰玄枵之次一名於辰在子謂之困敦於律為大呂斗建在丑今齊分野凡三十一度

自危十七度至奎四度曰豕韋之次一名於辰在亥謂之大淵獻於律為大簇斗建在寅今衛分野凡三十一度

自奎五度至胃六度曰降婁之次於辰在戌謂之闔茂於律為夾鍾斗建在卯今魯分野凡三十一度

自胃七度至畢十一度曰大梁之次於辰在酉謂之作噩於律為姑洗斗建在辰今趙分野凡三十一度

自畢十二度至東井十五度曰實沈之次於辰在申謂之涿灘於律為中呂斗建在巳今晉魏分野凡三十一度

自井十六度至柳八度曰鶉首之次於辰在未謂之協洽於律為蕤賓斗建在午今秦分野凡三十一度

自柳九度至張十七度曰鶉火之次於辰在午謂之敷狝一名於律為林鐘斗建在未今周分野凡三十一度

自張十八度至軫十一度曰鶉尾之次於辰在巳謂之大荒落於律為夷則斗建在申今楚分野凡三十一度

自軫十二度至氐四度曰壽星之次於辰在辰謂之執徐於律為南呂斗建在酉今韓分野凡三十一度

自氐五度至尾九度曰大火之次於辰在卯謂之單闕於律為

無射斗建在戌今宋分野凡三十一度

自尾十度至斗十度二百三十五分而終曰析木之次於辰在

寅謂之攝提格於律為應鍾斗建在亥今燕分野凡三十一度

日法九百四十故二百三十五分即四分之一

太初諸曆餘分置於斗分

大衍曆餘分置於虛分

凡天有十二次日月之所躔也地有十二分王侯之所國也故

四方方七宿四七二十八宿合一百八十二星

東方蒼龍三十二星七十五度

北方玄武三十五星九十八度四分度之一

西方白虎五十一星八十度

南方朱鳥六十四星百一十二度

書考一

二十六


周天三百六十五度四分度之一一度二千九百三十二里分

為十二次一次三十度三十二分度之十四各以附其七宿間

距周天積百七萬九百一十三里徑三十五萬六千九百七十

一里

周天二十次日所會之圖



辰謂日月所會

建謂斗杓所指

周禮太師鄭注陰

陽之聲各有合辰

與建交錯質趣如

表裏然

今按即子與丑

合寅與亥合之

類餘見後律下


注次度多寡見

後中星圖下註

孔穎達曰四方中星即二十八宿布在四方隨天運轉更互在南方諸宿每日昏旦莫不當中中則人皆見之故以中星表宿天子南面而視四方星之中知人緩急故曰敬授人時日月所會與四方中星俱是二十八宿舉其人之所見為星論其日月所會謂之辰星與辰其實一物也

愚按孔疏以二十八宿為星故謂星辰為一然謂之星則五緯亦在其中孔謂敬授人時無取五緯之義則定時成歲皆係於日月所會之辰然以齊七政觀之又豈得舍緯星而獨言經星哉

二十八舍依次分野之圖
見東坡指掌圖



晉志序十二次度數及州郡躔次云班固以十二次配十二野
又魏陳卓更言郡國所入宿度其言最詳今附次之

角亢迄鄭兗州 東郡一入角東平任城山 東平以迄

房心宋豫州 穎川一入房汝南二入房沛郡四入房梁國五入房

陽一入心魯國三入房楚國四入房

尾箕燕幽州 梁州十入箕上谷一入尾漁陽三入尾右北平十入尾

西河上郡北地遼西東十入尾涿郡六入尾十入箕渤海一入箕樂浪

入箕玄菟六入箕廣陽九入箕

斗牛女吳越揚州 九江一入斗廬江六入斗豫章十入斗丹陽入

十六會稽一入牛臨淮四入牛廣陵八入牛泗水一入女六安六入女

虛危齊青州 齊國六入虛北海九入虛濟南一入危樂安四入危東

萊九入危平原一入危十淄川四入危十

室壁衛并州 安定一入室天水八入室隴西四入室酒泉一入室十

張掖二入室十武都一入壁金城四入壁武威六入壁燉煌八入壁

書考一 九九

奎婁胃魯徐州 東海一入奎琅邪六入奎高密一入婁城陽九入婁

膠東一入胃

昂畢趙冀州 魏郡一入昂鉅鹿三入昂常山五入昂廣平七入昂中

山一入昂清河九入昂信都三入昂趙郡六入昂安平四入昂河間畢

十真定三入畢十

觜參魏益州 廣漢一入觜越雋三入觜蜀郡一入參雒為三入參梓

狗五入參巴郡八入參漢中九入參益州七入參

井鬼秦雍州 雲中一入井一入定襄八入井雁門六入井十代二入井

八太原十入井二入黨三入輿鬼

柳星張周三輔 洪農一入柳河南三入星河東一入張河內九入張

翼軫楚荊州 南陽六入翼南郡十入翼江夏二入翼十零陵十一入軫

度挂陽六入軫武陵十入軫長沙六入軫十

四仲圖

羲仲所居宮次之名

嵎夷東表之地 測候之所 春分之日 朝方出之日 而識其初出之景也 禹貢嵎夷在今青州境登州之地

東作春月歲功方興所當作起之事 義猶言萬物作也 孫氏曰春為陽中故取日 於夏亦冬之短

日中為適中晝夜皆五十一刻謂春分之日也

星鳥此以朱鳥當春分昏之時正見南方午位蓋以四象而言

民折散也 氣溫也

鳥獸和也 李星氣

孔穎達曰朱鳥七宿在天成象星作鳥形西首東尾以南方之宿象鳥故言鳥謂朱鳥七宿也春言星鳥總舉七宿以象而言也

南交南方交趾之地 測候之所

書考一

三十

南訛夏月時物長盛所當變化之事

敬致祠日而識其景

日永書六十刻謂夏至之日也

星火東方蒼龍七宿 火謂大火夏至昏之中星 此以大火當夏至昏之時正見南方午位蓋以十二次而言也

民因折而又折 氣愈熱也

鳥獸毛希而革易也

孔穎達曰東方成龍形南首北尾七宿房在其中房心連體房心為大火蒼龍之中星舉中則七星可知

西西極之地

昧谷以日所入而名也 穎達曰日入之處昧實有谷而日入也

納日秋分之莫夕方納之日而識其景也

西成秋月物成之時所當成就之事

宵中

於夏文為適中晝夜亦各五十刻宵者舉夜以見

星虛

北方玄武七宿之虛星秋分昏之中星此以虛

民

暑退而

鳥獸

毛落更生

孔穎達曰北方七宿成龜形西首東尾北方七宿虛為中故虛

為玄武之中星

朔方

北方之地朔蘇猶月之晦而有朔也

幽都

日淪地中

朔易

冬月歲事已畢除舊

日短

晝四十刻謂

星昴

西方白虎七宿之昴宿冬至昏之中星此以昴

民

與氣寒而

書考一丁

三二一

鳥獸

生更羸細

孔穎達曰西方七宿成虎形南首北尾西方七宿昴為中故昴

為白虎之中星

春分以象中

夏至以次中

秋分冬至以宿中

列舍度數見前漢律曆志後律曆志赤道度畧同

四象度數見後律曆志


十二次度數見前漢律曆志并皇甫謐帝王世紀後郡國志詳

引同

中星圖

以堯時冬至日在虛一度為準故與月令已後中星不同

正南
寬
霜
冬至
日
星短
日
星
春分
日
在
十
度



四柳日星 鳥星 中日 春鳥 覺開

度
年
日
在
秋
火
星
永
日
夏
大
火
寬
正
南


正南
寬
霜
分
秋
宵
中
星
虛
一
度
在
日
至
冬

以仲春日中星鳥為例故春分朱鳥皆見正午餘可類推

卷一

愚按堯典中星仲春曰日中星鳥仲夏曰日永星火仲秋
曰宵中星虛仲冬曰日短星昴蓋天體蒼蒼無以測其旋
運古之聖人乃舉二十八舍推晝夜之所移以分度限一
歲而周得三百六十五度四分度之一有奇因列舍之方
折而爲四象因日月之所會布而爲十二次天體於是可
推四時於是可正東方七宿曰角亢氐房心尾箕有蒼龍
之形北方七宿曰奎婁胃昂畢觜觶參有白虎之形南方
七宿曰東井輿鬼柳星張翼軫有朱雀之形謂之四象自
南斗至須女曰星紀須女至危曰玄枵危至奎曰娵訾奎
至胃曰降婁胃至畢曰大梁畢至東井曰實沈東井至柳
曰鶉首柳至張曰鶉火張至軫曰鶉尾軫至氏曰壽星氏
至尾曰大火尾至南斗曰析木謂之十二次故經於春曰
星鳥者以見四方列舍之有四象之形也於夏曰星火者
以見一歲日月所會之有十二次也於秋曰星虛於冬曰
星昴者以見象次皆列舍之所分也四時運轉更在南方
聖人南面而視隨時考驗知天時之早晚所以授民事之
緩急也今以中星所指具爲一圖內輪象地不動以定正
南之位外分二十四氣以察四仲所指之星綴日於天正
虛一度則爲冬至昴宿昏見于午斗杓指子爲仲冬之中
氣隨時逆轉可以類知然宿度多寡古今作曆者代各不
同今姑以漢志赤道爲準雖有差變亦存大較若夫課候
追考職在術家姑陳其槩以俟夫讀書者有考焉耳

月令中星之圖



愚按漢志冬至日在斗昏奎中不應月令昏先在壁月令必誤也

尚書通考卷之一

